

مدیرى : ابن السرى
احمد جودت

مؤسسى : ابن السرى
مصطفى نامق

آسيان

أدبى، علمى اخلاقى هفتتة لىق مجموعتة در

برنجى جلد

نومرو ۵

برنجى سنه

۱۲ رمضان ۱۳۲۶

۲۵ ايلول ۱۳۲۴


استانبول

محل اداره سى : جفال اوغلندتة دائرۃ

مطبعۃ عامره

۱۳۲۴





— مابعد —

متسلی ایتمک المدن کلہین بو آرقہ داشک شو در آغوش مدید ایله اکلا دیغم یأس ساکت وصامتی قارشیدسنده قلبم اوقدر صیقیشدی که هیچ بویله اولدیغیمی خاطرلا یه میورم . برقاج سسوزله اوکا وفای قلبی ، صمیمیت مودعی اکلاتیق ایستدم . فقط اواضطرابه قارشى بوسوزلر اوقدر هیچدی که ...

اویچ هفته صوکره بر مکتوب آلام : « آردن » جوارنده عائله سندن توارث ایتدیکی مالکانده آرتق صورت قطعیده یرلشمکه قرار ویردیکنی ، اونی اوطو ریله ییلا جک برحاله کتیرمک ایچون بعض تعدیلات اجراسیله مشغول اولدیغنی یازیوردی . واقعا عزلنک اوزون بر زمان ایچون اوله جفنی صاقلایه میوردی . ذاتاً بونی بنده حس ایتشدم ؛ فقط مقدرات الهیهه مداخله دن تحاشی ایدن حسیات دینییه سی سوقیله بوفکر فراغت وعز لنک قطعی ولایتغیر اولدیغنی سویلیکده جسارت ایدم میوردی . هر حالده روش افاده مقصدی پک ایی اکلاتیوردی . آرتق عسکر لکله علاقه سی کسمش ، قلیجی قالدیروب آشمشدی . پارسده کوریله جک برقاج ایشنی بکا حواله ایتدی ؛ ماضی یه عائد روایطدن بوسبوتون آیریلهرق عائله سندن توارث ایتدیکی اومالکانده کنه دیسند ، چولوغنه چوجوغنه یکی حیات حاضر لادیغنی اکلا دم . اوکیجیلری بو حال هرکساک حیرتی موجب اولمش ، هرکس بونک اسبابی تجسس قویولمشدی . کیت کیده بو حس تجسسده کسل کلدی . نهایت برآز صوکره هرشیئه مقدر اولان نسیان بو زوجیه یی اونوتدیردی ...

تفکراتمک بونقطه سنه کلدیکم صیره ده ایتدی که آرابه جی برآز اوتنده طوران بر قصبه یی ایله کوستره رک هو برک بنی اوراده بکله دیکنی سویلیدی . فی الحقیقه اون دقیقه صوکره هو بره ملاقی اولدم . اوده آرابه یه آتلادی ، « لوویور » ، طوغرو

برجای حسیات ایچنده بوتون وجودینی خرد و خاش ایدردی... و داد بهجت ایچون اونك طرفندن سه ویله مك قدر موجب یأس و اندیشه هیچ بر حال تصور اولونمازدی؛ اودرجه ده كه بونك تخیلی بیله اوندی قورقونیم برفلاكتك دهشتلرینی اویانیدردی. ایشته شمدی ده اونی بو حالیه کورمکدن تیتره ییور و کویا ده زیاده تعمیق ایدرسه بومدهش حقیقته بردن واقف اولمق قورقوسیه اوکا دیکر بر - سؤال ایرادینه جسارت ایدمبوردی. بونکله برابر انسانلرده، قلبلرنده بر - رعشه اشتباه اویانیدیره بیلن هر بر حادثیه قارشى كتمی غیر قابل بر میل تجسسله اونك اعماق قلبنه نفوذ ایتك احتیاجی؛ بو احتمالاتك اوزرینه صانكه سیاه بریره چكرك اونلری بر مدت ایچون اخفا ایتش اولدی، ونه-ایت بو آرزویه بوسبوتون مغلوب اولارق:

— خایر، دیدی. شبهه ایتیمورم. فقط بر قاچ کوندن بری سنی پك دورغون، پك متأثر کوریمورم. یوقسه خسته میسك!...

کنج قادین کندیسنى چیلدیره سی سه وهن زوجنك بوصیمی نوازشلرینه قارشى بوسبوتون لاقید قالمقندن اوتانه رق حرکتنی مغدور کوسترمش اولمق ایچون:

— اوت، دیدی. وجودمده بر آز قیرغیلق وار...

صوکر اونك برجای سودا ایله طوتوشان آلارینی، آووجلرینك ایچنده صیقارق باشنى دلقانلینك سینیه سنه دایادی. و باغین بر نكاه سحر ایله کوزلرینی اونك کوزلرینك ایچنه دیکرك علاوه ایتدی:

— محبتدن شبهه ایدیورسك دكلی؟ .. اوت انكار ایتمه، باق کوزلرك ده شهادت ایدیوركه بكا بر تورلو اینانه میورسك. فقط آمین اول و داد سنى سه وییورم...

بوجه نك اونك اوزرنده حاصل ایتدیكى تأثیرى اكلامق ایچون کوزلرینی اوندن آیریموردی. صوکر اوندی ده جلدی بر تأثیر اویانیدرمق ایچون دوام ایتدی:

— اوت، دیدی. شبهه ایتمكد: حقتك وار،، چونكه سكا پك چوق و فاسزلق ایتدم.. فقط مادامكه شمدی سه وییورم؛ بنی حالا عفو ایتمه جکسیك! ...

ما بعدی وار
جمیل سلیمان

صوکره بولردن کنديسیله برابر ذوقیاب اولان باشقه بروجودی دوشوندرک علاوه ایتدی :

— کوریورسک آ ، زوجه مک صوگ کونلرنده کلوب اوطوردیغی قولونغی بيله اوراده براقدم . اما قیشین کله جگمش ، یاغمور یاغه جگمش ، نه اولورسه اولسون اونی یرندن قیلدا تاق آلدن کلدی . . .

هوهر ، بوراده اوغلی ژانله یالکزدی . جنازه الاینده بولونمق ایچون کلن اقباسندن بعضیلری ده اوکون دونوب کیتشلردی . او بر بنا باشلا تمشدی : هر کون انشا آته نظارت ایچون معین برقاج ساعت ایش باشنده بولنمق مجبوریتنده ایدی ، بوندن صوکره کونک قسم نایسنی اوزون اوزادی به قونوشمقله کچیریو ردی . واقعا هوهری متسلی ایده میوردم ؛ فقط ماضینک او بر لکده کچن مراحل حیاتیه سنی بردها طی ایده رک دوستلیمزک احیا ایتدی کمز خاطرات مشترک سیه اونک مجرای اضطراراتی تحویل ایده میلوردم . شیمدی پک اوزاقده قالان بوماغی بی بویه یاشامقدن اوده ذوقیاب اولیوردی . فقط اونک ایچون بر حادئه ائیمه ایله قاپانان بر ایکنجی ماغی ده ازاردی که بوندن بحث ایتک کندینه نک آجی کلدیکنی حس ایدیوردم . زوجه سنک اسمی ، چوق دفعه لر دوداقلرینک اوجنه کلیوردی . فقط اوسر ، او بنم ا کلامق ایستدیکم سر ، ممکن دکل ، حقیقه میوردی . نهایت اوزمانه قدر محافظه ایتدیکم احتیاطی ترک ایده رک بر مقدمه ایله اوکا قلبی آچدیرمه قرار ویردم . حالندن ا کلام که بوکا رد ایله مقابله ایتیه جک ، فقط ، بن بوقراری موقع تطبیقه قویه نیلک ایچون اولانجه جسارتی طویلایمه محتاج ایدم .

اوچنجی یاخود دردنجی اقشام ایدی . یکدن صوکره یازی او طه سنه چکلمشده . بو او طه بر زمانلر اطرافده کی یولاری ، اورمانلری ترصد ایچون بویوک بابالرینک بادیردنلری قله نک تام آلتنه تصادف ایدیوردی . اوللری بر صالون ایکن صوکره لری هوهر ، بونی بر کتبخانه حانه افراغ ایتشدر . اوجاقده یانان اودونلرک ضیاسی ، او طه نک درت دیوارینی قاپلایان کتبخانه لرده کتابلرک یالیزلرینی تنویر ایدیوردی . ساعت طقوزده هوهرک اوغلی ژانق صالونه کلدی . هنوز براقدیغی مطالبه نک تأثیریه سیما ی پر ناب ایدی . نظرلرنده برشعله

ذکا پارلایور، طورنده برشمه نزاكت ترشح ایدیوردی. سیاه االبسه سیله، سیاه بوطنلریله، بیاض یقه لغیله چشم خویسا نوازیخی پارلاتان آلورله قارشی اوجاق اوکنده برطوربشی واردی که اوطنه نك دیوارلرنده برلوحه معصومیقی برنظر خط و ممنویته تماشا ایدن قهرمانلرک حالی آکدیریوردی. چوجوق «کیجه کز خیر اولسون» دیوب اوطنه دن چیقجه بن سوزه باشلادم:

— مینی مینی ژان قوجه بردیقانی اولمش... یقینده برآدم اولوب اورتهیه چیقه جق... اکال تحصیل ایچون اونی پارسه کوندرمک خاطرندن کچمیورمی؟
هوهر جواب ویردی:

— خایر هنوز او خاطرمدن کچمیور. ظن ایدرسهم آرتق بوراده یرلشدم. بوکویلو حیاتی ایکنزه ده خوش کلیور... برزمانلر مکتبلرده او قودیم کتابلر شیدی آله کچدی، بونلری یکی باشند او قودم، معلوماتی عادتاً نازه لدم؛ شیدی ژانه خواجه لق ایده بیلیم. هم بو خواجه لقدمه پک ایلری کیده جکمی ظن ایدیورم؛ معلوماتم اودرجهیه قدر کافی... اونندن صوکره برمسلك مخصوصه تمایل کوستیرسه او وقت برچاره دوشونورز.

— بن یالکز اوغسکی دوشونمدم. سنی ده دوشونیورم. بوراده یالکزلقدن، یالکزلق آغیرلغندن قورقیمیورمیسک؟ پارسده هیچ اولمازسه یالکز قالماز، کندیکه اکلنجه لر، مشغولیتلر بولورسک؛ واقعا عسکرلکی ترک ایتدک؛ فقط طاشیدیگ نام، بونامه کندی سعی و همتکله اضافه ایتدیکلک شرف و مزیت، سکاده باشقه مسلک حاضریله بیلیم.
هوهر ساکت و ساکن باشی صالایه رق:

— تشکر ایدرم دوستم، سکا بوسوزلری سوبله تن، بو آندیشه لری ویرن حسیاتی بیلیم؛ فقط آرتق بن کنده ده یکی آملر، یکی هوسلر بوله میورم. هم نه حاجت، قلمده اویله امل و هوسلر اویانه جق اواسه بیله بونلره وجود ویره جک حالم یوق که... سن ده بیلیرسک، بوتون مدت حیاتمه وجدانک امرندن باشقه برشی طانیاز، سرکش، دهها طوغروسی قایا برآدم؛ دکل عسکرلک کی باشقه لرینک کیفنه خدمت ایتمکن ازاده وساده برمسلكده حتی بوکون بیله موفقیات حیاتک شرائط اساسیه سندن اولان قورنازلقه، اویصالغه کندی آلدییره مادم. ده اغیری وار: بو یالکزلق، بوسکون و تنهائی ایچنده بیله اوزرمدن او خوشوتی آتمیورم...

مشتاق

مابعدی وار